

武岡州志卷之四十六

人物志七

國朝

儒宿傳

王雲生字煥若前明名諸生也好學篤行早餽於學入國朝寶慶尙未隸版圖以餼滿膺貢內附後罷置不錄其家復促之隸諸生籍重食廩康熙十五年次當貢而郡陷於吳逆雲生乃避地於望雲山麓與邵陽陳憲道結鄰時車无咎館於憲道家而簡廷佐亦寓其外家王元復則以通家親串往來其閒皆一時名碩也相與感慨時事歔歔涕下一旦語憲道曰吾得與諸君子遊是雲山之賜雲山實生我於是易

武岡州志

卷之四十六人物志七

其名曰雲生督學宜興蔣允修名宿也天下稱慎齋先生按試寶慶聞雲生名必欲致之試之日允修望其皤然起立肅之入見其文大驚歎錄第一三餼於學雲生持卷泣曰吾其免於顏厚之譏乎年九十卒憲道諸人爲文以祭之見補旃

文集

劉允鏐

許志作允鏐

字藻如號石廬康熙辛卯舉人壬辰考授內

閣中書乙未選四川重慶知縣自童子時篤志力學刻無宵晷既長博通經史一時髦士多趨門下掌教麓山書院凡數年裁就甚眾教其四子斑淳治漢先後入州府庠性孝友親病嘗割股以療戶部侍郎馬某重之寄以詩有生平最喜棣華章之句里人誦之



蔡肆夏字時倩原籍邵陽隸州學康熙中貢有學行晚官澧州訓導上官知其才奉委石門句稽訟牘數月多所平反爲澧人所戴性敏捷能文

唐 珮字聘侯恩貢生狷介自守以經學教其鄉人造就有法卒年六十八

張彥豪與其兄彥邦同中乾隆丙辰 恩科湖南鄉試舉人彥豪官長沙縣教諭以經學訓士平時閉戶讀書足跡不履城市力學砥行爲一時推重彥豪同里有李與梅者以歲貢任澧州石門縣訓導潛心經學著有易經條辨居家孝友非公不入城市與梅以乾隆四年貢

楊春錦字蜀山乾隆己卯歲貢幼敏慧弱冠補諸生家貧以

武岡州志

卷之四十六人物志七

二

經學授徒里中晚官清泉訓導有司訟牒多牽連諸生爲證春錦至偵知學中尤黠者繩以法其徒糾數十人噪於庭春錦厲聲曰吾職司學校如若所爲實自外名教而君等又袒之此何爲也噪者皆俛首去太守王德聞而嘉之士習一變清泉蔣一聰名宿也時里居謂人曰經師易得人師難求若楊君者兼之矣以老乞休邑人謀奉粟主生祀於西湖之文昌閣春錦爲諸生時以訟事羅織幾罹不測事白深自刻厲生平寡言笑不輕喜怒年八十四卒門人爲發喪製服私諡曰慤簡

田作賢乾隆癸酉拔貢戊子舉人官道州學正以經術訓士尙書何凌漢爲諸生時嘗受業其門及貴作賢已歿時爲人

稱道不置索遺稿率散佚不可得

唐紹成字九韶少英敏有遠志從鄉先達問經義剖析疑難尤專精致力於易通性理皇極諸書年四十作傳授心法錄一書皆生平得力語也督學錢塘吳嗣富爲之序以薛文清之讀書錄胡敬齋之居業錄王陽明之傳習錄三書比之晚年目盲又著心法錄解自號補過子學者稱補過先生紹成以諸生終

吳賢明敏異常兒幼從其父中立受經唐紹成年十三卽通諸經爲府學附生旋餼四十人中屢舉優行乾隆戊戌歲貢以風疾暴卒著作多散佚

劉宗榮字耀南號春亭初補府學武生會有 詔舉技勇大

武岡州志

卷之四十六人物志七

三

吏以宗榮應徵選充侍衛以疾乞假 純廟遣太醫診視久之始放歸時同選者數人名在榮後均積階至提鎮榮歸後請於有司削武生籍應童子試院府勸令就職不應補郡庠生旋食餼以歲貢終成就後進甚多郡人周邵生思仁皆與榮爲忘年交體貌魁梧好抵掌談當世務人或比之王景略云

向光舜乾嘉間人州諸生好學深思一時耆宿多從之遊學以通經爲要於諸儒異同折衷至當尤於大學中庸二書得其奧旨湘潭張九鉞爲之序又嘗著學庸條貫學正張力輿亦績學士也盛推其書以爲有功經傳云

曾鼎廩生治經攻苦有聲講學以制行爲先居近市廛人罕

見其面爲時論所重

彭灝字鼎乾幼端靜舉動不類常見比長攻苦讀書以古人自期許早年有聲庠序是時學政昆明錢澧清節聞天下不輕許可獨重灝文行以優貢於朝嘗語人曰彭生吾鄙薪傳也灝聞益自刻勵舉乾隆戊申鄉試赴禮部試不第家居授徒十餘年言有敘動有法人莫敢踰尺寸足跡不履公庭性篤孝親歿後與人言輒流涕晚赴禮部試以疾卒於京士林惋惜咸目爲名教完人

謝典卜嘉慶辛酉舉人幼聰穎讀書目數行下年十二籍州學旋食餼既舉於鄉再赴春闈不第授徒鄉村垢衣敝屣所居室不蔽風雨而嘯歌自如簞笠芒鞋與田夫野老相習有

武岡州志

卷之四十六人物志七

四

以非分干者笑置之晚年苦目疾所著詩文多散佚

夏禮字揖讓乾隆庚辰 恩貢少穎異刻苦治經尤善春秋三傳遇諸家淆駁處輒勾晰疑義反復辨論老師宿儒莫能難督學山陽阮學浩武進莊存與兩以文行舉優檄赴都禮辭不赴知州博平童式廣欽其品學屢造其廬旣又延教其子聘書載道纁帛充庭禮曰某部民日侍明公左右國人將耳目之矣卒辭不受教人以窮經敦本爲務及門下六十餘人學業皆有可觀家故貧日手一卷晏如也年八十八卒曾家模字資汀嘉慶初歲貢家貧好學不倦孜孜著術於十三經疑義及天文輿地河渠水利周髀句股諸書無不精研究極提要鈞元平居教授生徒一以窮經砥行爲務所著有

儀禮先易八卷圖考一卷春秋述朱四卷左傳塾鈔十四卷其古今圖考一書尤為精核自序云稿經千易歲歷三稔而始成書其好學深思如此晚年目盲猶口授幼子訂士虞禮補註撰春秋述朱郡守會寧柳遵祖為之序謂其集朱子之成足以羽翼聖經且欽其品為澹臺滅明此外又有字母名義詩學啟蒙今是草明文引徑律體譜法等書著作甚富以老病終今惟春秋述朱有刊本餘未梓行附鄧顯鶴舊志稿儒林傳贊曰濟南既髦始傳尚書西河喪明乃序詩傳若乃申公轅固之倫稿項黃馘衰殘守闕奉一經以終身何則其業專故其詣至也也以余所聞曾明經家模治經有本原其著儀禮先易春秋述朱古今圖考諸書於天官地志河渠水利九章算法周髀七曜之說援據辨論殆皆有精思斷制非苟作者而窮老目盲子又天折姓名不出閭巷嗚呼子長氏所為致嘆於巖穴之士非附青雲而名不彰也家模衰老以生存於法不得列傳云

武岡州志

卷之四十六 人物志七

五

鍾南字吉菴以恩貢選授桂陽教諭祖合天父相能自有傳世有隱德南少學於父家貧發憤不輟餼諸生益攻苦敝衣疏食泊如也性孝友父病劬侍湯藥兄弟八人南次居三兩兄及弟皆之官諸弟就塾嘗致書兩兄曰但努力從公高堂起居有弟扶持勿以為念十七年中不通慶弔不應科舉左右就養未嘗一日離父病革執其手曰汝善養吾志可稱至孝願汝得賢嗣一如汝之事我言訖而終居喪哀毀盡禮廬墓三年事嫡母生母菽水承歡內外無間言兩母以次歿南哭泣殯葬如喪父忌日必齋祭涕泣至老不衰仲兄承恩官江蘇以解貢差卒於九江舟次貧不能歸南鬻產扶柩歸大風作鄰舟覆涕泣申禱卒無恙為綦江書院山長十餘年課

生徒以通經勵行士習丕變分脩補助寒畯及門士多賢貴者綦人士爲立鍾子祠時祭至今歸里修家政視從子猶子以養以教至成立鄉鄰貧乏隨時周恤之晚年足不出里州人士公舉鼇山書院山長辭不赴而修宗譜增祭田定家規建義學皆次第舉行年七十卒南性肫篤不喜浮華爲學實踐以敬爲基手一編終日端坐無惰容與人交和藹可親言不出位郡州守悉其賢兩舉孝廉方正皆上書懇辭其務實辭名多類此以子世楨貴贈資政大夫世楨守廣信十年多惠政治行爲西江第一同治九年陳情歸養以孝思成其勇退僉謂非明德之後不能有此云

唐守中字補偏號兩皋性嚴正堅苦力學弱冠補弟子員諸

武岡州志

卷之四十八人物志七

六

老宿咸以大器期之守中亦侃侃自負湘潭羅鴻臚典主講麓山從遊八年冬不爐夏不扇艱苦卓絕鴻臚雅愛重之每呈藝喜動顏色尤極稱其書法願屈於有司屢試舉人不售癸酉拔萃科俛得復失以次貢於太學非其志也守中旣連不得意乃橐筆出遊之吳之豫同學黔陽易良倅官河南盧氏縣倅名解元以進士出宰延校書院課藝守中評隲精當糾繆處則改削邦人大悅請業日眾及歸士走送數十里有泣下者晚歲刺史長白棟亨聘長鼇山書院諮訪利弊刺史初下車聞武岡民才悍思痛繩之守中隨事開陳出冤獄釋滯囚多所全活刺史益重之道光癸卯高沙曾如炷之獄首從分別伏辜坐搶掠者囚繫尚眾守中致書袁例貢敏勸緩

其獄略云綱紀一壞羣不逞之徒蠡起縱火括財孽由自作然有生平無他輾轉牽率一蹶莫振良用矜憐先生寬一分民受惠一分昔王參元遭回祿柳子厚以書賀之僕深愧子厚先生豈不逮參元敏素有賢行富而好施遭變蕩然不能無愠於羣小得書卽請於官脫桎梏者數十家守中寡交遊嚴取與家酷貧非束脩不以入書法最一時求者踵至或應或不應有富人持重金丐所知求書壽序守中薄其人斥絕之屢躡場屋而壯心未已短髮蕭蕭猶踏省門低首雜儕耦旅進卒不遇七十後始絕意進取生有至性幼時讀書塾中母遣人持澣衣令更必陳几肅拜而後服以兩親早喪不得盡孝養晚年言及輒流涕被面身短小精悍之色老猶逼人

武岡州志

卷之四十六人物志七

七

八十能燈下作細楷自云四十日微肯觀書不甚了了適有暴卒者無賴子詐富室金不遂聞於官將簡驗憫無辜受累死者暴骨以情實白事遂寢是夜觀書覺清朗試作細楷不減少時以是終其身又云時命不可期義命當自守吾惟動心忍性克寡嗜慾故備歷迍邐而步履康強齒牙堅固後生好自逸終日昏昏睡夢中未老而志氣荏然矣卒年八十四子福徵郡庠生

張權五字可亭歲貢生賦質聰穎好讀書手不釋卷歲科試屢列前茅鄉試十九科薦而不售無不平意教人循循善誘寒苦者卻其脩金性最孝人無間言里有牙角爭力爲排解干以私者輒斥之足不履公庭精岐黃術全活甚眾謝以金

不受與同里曾昭宇交好昭宇性褊急道光己亥 恩科同寓省門宇病滯下僕從避去權五爲除穢滌污下同臧獲宇病久氣戾或怒詈之怡然順受及卒經紀其喪甚至晚歲窮約權五年七十無疾而逝子二緝熙咸熙績學能文均列膠庠

唐守煦州諸生與光舜同時篤謹好學教人有繩矩後進之士多嚴事之著有至聖歷年考二卷學庸問難二卷爲世所推重云

夏能約州庠生刻苦力學不與外事教人崇尙根本去浮華從遊者舍宇常滿不率教輒斥去之成就甚眾按察使鄧君厚甫其受業弟子也嘗言經師人師如夏先生者洵當時所

武岡州志

卷之四十六人物志七

八

少云

彭順誥字紫榮父灝自有傳順誥幼端慧異常兒比長補弟子員從湘鄉彭興護遊興護羅鴻臚典高弟子也順誥尊聞行知精研入微興護甚加敬禮書無所不窺尤究心近思錄語類或問諸編剖析毫釐務求愜當爲制藝提要鉤元動與古會屢躡場屋泊如也授徒家塾諄諄以敦本行務實學爲先從遊者至舍宇不能容晚年學養愈粹老屋數椽僅蔽風雨順誥危坐其中孫曾輩啼笑滿前誦習自若長子家瑞有學行巨室禮聘不赴開門召徒便定省每風日晴和順誥輒扶杖至塾中爲門下諸生講解經義雋理名言罕譬而喻人入得其意以去卒年八十五前一日猶口授幼孫句讀易贊

時爲長孫宗齡講季路問事鬼神奧義神志湛然生平躬行
實踐不事著述於家人兄弟間體恤周至州人士論儒宿者
咸推順誥遠近無異辭子家瑞歲貢生雲瑞庠生出嗣季弟
庠生順清孫宗齡之齡均庠生

張友壩字子勤號春帆道光戊子舉人官常寧攸縣教諭性
孝謹幼不與羣兒伍七歲隨母過舅家方食輟食而泣母驚
問之以書未熟對母喜遂歸令入塾十二歲補弟子員食餼
父喪後家中落益刻苦力學藉脩脯以養孀大母與母甘旨
不缺大母篤老課誦之暇常侍其側三上春官乙未禮闈房
官沔陽陸建瀛亟賞其文呈薦甚力卒不遇欲令留京夏課
以重闈衰疾待哺辭撫弟友封友愛備至父喪封方五齡壩

武岡州志

卷之四十六

人物志七

九

親投句讀不令從塾師學與人交坦坦無城府見人有善恆
津津樂道之有過則曲爲掩護嘗館文昌宮旁有蒙師屢空
入厨竊米遇人至跼縮甚壩謂之曰彼向我貸我令自取也
州守楊公莘田重其名延入署課子有持白金百兩求向刺
史白事者壩斥之家嘗被盜刺史勒隸緝捕不獲曰杖隸隸
糾金數十兩與壩求稍寬假壩還其金向刺史言寢其事入
謂隸賂緩似可愛壩曰我受彼數十金彼將虐取良民數百
金猶不止是我實爲厲階也其廉介多類此生平不輕履公
庭遇地方利病重大者則婉陳於長官官每虛已聽從焉衣
食儉素勤於問學爲制藝力追先正教人以器識爲先見華
士輒嫉之疏證經義循循善誘以故在籍在官從遊者牆宇

不能容砥礪成就蔚爲國器唐廵撫訓方鍾監司世楨尤卓卓也在常甯久士紳咸服其教丙午秋聞有兩生訟繫在郡墉曲爲開陳郡守高人鑑盛氣加之墉曰太守執國法友墉順人情三載寒窗爭此一日柰何以小故羈驥足也郡守改容謝之迄今二十餘年常人猶謳思不倦云

張蓉州庠生治經有聲里居以教授生徒爲業言動必依禮法與門弟子講說經義肅衣冠端坐嚴寒盛暑未嘗少輟州人通經者多出其門性篤孝早年喪父水漿不入口者七日羸瘠骨立居母喪亦如之晚歲家居鄉人罕見其面臨卒囑其子猶諄諄以窮經敦品爲務云

張又光附生性嚴毅守正不阿學問根柢先儒晚年設教蟠龍古刹以敦本篤行爲先務從游歲數十人皆有本末後學咸奉爲矜式云

文學傳

郭維寰字宜章幼聰穎與同里江文燦友善皆以詩質潘應斗應斗嘗呼爲小友應斗修州志維寰與文燦實佐成之詩篇多散佚以諸生終時與維寰佐修州志者有朱企銑岷藩宗人也亦能詩而其時州人以詩名者有劉允璆許國煥夏國璜楊自芳楊旭諸人而國煥爲優文燦順治庚子舉人允璆康熙辛卯舉人俱附見國璜自芳旭皆諸生國煥自有傳企銑卽金尤蓋明末諸宗人隱其姓也別有傳見遺民

唐時鄰字欽子州之紫西里人以邵籍補弟子員幼聰慧異

常與邵陽車鼎晉同里潘應斗友善每一藝出時輩皆斂手
中年棄舉子業專肆力於詩所著有雲歸草一卷璞草一卷
雪中詩一卷廬中吟一卷應斗序而行之謂其於王儲爲近
時鄰有至性事母孝交友信晚以歲貢官荆門訓導卒於官
許國煥字天章康熙甲午拔貢有南村集故別署南村其詩
紀鼎革時事特詳有叙哀詩歷叙癸未至己未三十六年事
分年紀咏始袁賊之亂終吳逆之平敘述愴惻其詞則子美
石壕村之遺其意則次山春陵行之意作歌告哀有詩人小
雅怨誰之義焉州人自國初以來言詩者未之過也舊志
并不爲立傳近新化鄧顯鶴始搜得南村殘本編爲一卷刻
入沅湘耆舊集中而世始知有南村其人顯鶴固以南村老

武岡州志

卷之四十六

人物志七

十一

農自命因以名集者也豈其有夙因耶

許如灝字百涵有文名屢舉鄉試不第時湖廣鄉試以武昌
爲行臺省湖南士子遠涉洞庭經月始達每以風阻愆期康
熙丙子如灝應舉守風洞庭乃爲文以祭投江中風順得渡
其略曰某學慚語海志切臨淵願觀光於上國屢泊浪於重
湖正白帝攬權之辰值南風不競之日徒看江上峯青空想
樓中仙去非藉反風於此日何由破浪以長征語多彬雅可
觀以歲貢終

尹進德舉乾隆癸酉鄉試詩文皆有可觀嘗作雲山賦其詞
曰岷巔爲祖衡嶽爲昆武岡雄鎮厥號曰雲峯起火雲之奇
突嶂列慶雲之輪囷入雲霄而河漢無影出雲雨而碧落不

分蓋嘗考道書居六十九之福地稽古志載七十一之崇巖
略陳諸美可見一斑日華耀彩月魄流丹爛縵兮杏花之塢
踟躕兮竹掃之壇響珮懸珠簾泉汨汨飛濤濺沫瀑布潺潺
石立將軍之狀橋呈蝮蝮之觀則有寺傳勝力臺記演經霜
天唳鶴夜月吹笙况復莓苔跡印鐘磬音明空中卽色天籟
無聲依依往躅渺渺予情豈不以句曲之嶽崆峒兮表於茅氏
崆峒之縹緲兮著於廣成餘多不錄進德與呂律同舉於鄉
律刻苦嗜學亦以文名於時

張壽字和平性高曠不樂進取能文工詩著有亦樂齋詩集
今佚張文彬州廩生亦有文名又有張大韶字象虞州庠生
善屬文尤工古今體詩有集

武岡州志

卷之四十六 人物志七

十一

唐永飛字達翥舉乾隆甲午鄉試幼聰穎好學爲詩文操筆
立就辭采煜然比長受經長沙余存吾湘潭張九鎰攻苦益
勵凡經史疑難及贅牙難讀者札記置懷袖間偶遇行路亭
肆樹陰或荒洲野渚輒出札朗誦人皆以爲狂偶以事宿親
故家夜半打門狂呼主人驚起問何爲曰無他案上短檠垂
滅爲乞殘膏少許完此夜課耳其勤學如此歷官綏甯訓導
茶陵學正湘陰教諭著有易知安本石村近草石村遺稿經
驗良方諸書同時有李會甲乾隆辛卯舉人官靖州學正以
能詩文名

楊旭康熙間庠生少負英姿有用世才常遊幕外省後歸故
園以詩酒終著有澹長園詩集

高笏圭恩貢生善制藝工詩古文試輒優等同學咸敬畏之
著述頗富今其子孫零落遺稿鮮有存者許志附唐永飛傳
阮永相歲貢生刻苦力學著述甚富制藝力追前明諸家濂
溪掌教余廷燦羅鳳儀皆器重之評與歸黃爭席後嗣寥落
他著作無從搜尋惟留制藝數篇

楊承德幼穎慧好讀兩漢六朝之文諷誦略皆上口家故饒
貲承德性豪俠喜交納不事生產遂中落見人不作寒暄語
或與之論古今人物句晰經史疑義終日娓娓不倦坦率無
城府有以讐語誑之者輒信然義利之界斷斷如也是時昆
明錢澧督學楚中奇其文將舉拔萃科以不善楷法罷中乾
隆己酉副榜貢生年四十六卒承德爲制藝苦思索多散佚
晚年尤好易欲有所發明卒未竟其業云

武岡州志

卷之四十六

人物志七

三

胡茂秀字松巖乾隆辛亥歲貢幼貧不能讀茂秀請於父願
爲塾師服役因請執弟子禮樵牧之暇手執一卷呶唔不輟
年十六從學爲文出語清雋有里人吳賢豪者見而奇之遂
引之受經於吳賢明賢豪資其膏火數年學成爲州學生督
學盧文弢奇其文以高等食餼授徒零陵門下士皆有本末
可觀晚以疾歸旋卒訃聞零陵弟子奔喪五十餘人賻錢一
萬助葬共謀設栗主於講堂肄業如平日性廉介每所得館
穀爲弟姪輩謀生計著有春秋經解

顏其東嘉慶辛酉拔貢博學強記早歲嘗師事長沙余廷燦
湘潭羅典二人皆湖南所稱儒碩也其東出其門久所作經

藝多典贍不經人道武陵趙慎畛其東同歲生也官廣東惠嘉道時其東客其幕值課書院卷中有用僻典者語多棘塞或欲抹之其東一一詳其出處且刊其誤謬時服其博雅年五十五卒於家

萬開煥字寬夫以優廩候選訓導委署桂東縣學未赴而卒年僅三十有八開煥刻苦嗜學早從長沙余廷燦研究先後天太極圖說及天文句股兵乘輿地諸說能通曉其意饒有詮釋發明諸經均有疏證惜未成書而卒

何修字學荷諸生家貧嗜學於書無所不通爲文刻苦詩亦雅潔有王儲風屢試舉人不售性耿介不妄取與以投徒爲業所得束脩與兄弟共之晚年坎坷愈甚饘餐不繼澹如也

武岡州志

卷之四十六

人物志七

十四

年五十餘卒詩文多散佚

梁湘源原名運通字寶溪嘉慶十八年癸酉歲貢歷官江華會同訓導少刻苦好學爲文有奇氣嶽麓山長羅典器重之品詣端方言笑不苟以經術訓士多所成就年七十九無疾端坐逝孫文繡文耀文鈺均補弟子員

傅夢霖字甘園嘉慶丁卯科舉人好讀書夜以繼晷博洽經史尤長於三傳爲文有國初諸老風晚年家居教授遠近從遊多高足弟子子龍湄孫煥南均有聲庠序

劉青藜字受知號澹邨諸生性不喜名利年二十八入郡庠遂絕意進取顏其堂曰兩無耄年嗜學不倦題咏無虛日雲都宋昌恂名孝廉也分司高沙重其爲人延至署相與唱酬

又爲書錦以壽之所交遊若西蜀王元魯同里阮永相高笏圭楊承德皆知名士著有詩餘圖譜

舒燦字楚珍諸生有學行試輒冠軍受知昆明錢學使禮飭紀敦倫言笑不苟里有爭訟一言剖決無不讐伏子作楫字濟川嘉慶癸酉拔貢生性豪邁不屑與儔眾伍少負才名秦漢以來書無不讀學使湯金釗器重之捐田四十六畝興義塾以資族人之寒賤者著有聽松齋詩草新化鄧顯鶴採入沅湘耆舊集

劉玉振州廩生嗜古力學下帷踰月不出非三代秦漢之書不讀所讀書疊加朱墨間出已見參異同不受古人欺制藝宗前明金黃諸家雅有繩矩屢膺鄉薦年未四十齋志以歿

武岡州志

卷之四十六

人物志七

十五

學者稱琴軒先生

許修琬歲貢生好學能文尤植品爲州士夫所欽重嘉慶丁丑咸寧許紹宗撰武岡志命勸事與萬開燧傳夢霖張鳴珂唐夢星職採訪役四人者皆宿學老成無偏私許志稱嚴謹採訪與有力焉

許修鎔諸生性高簡不事生人產家貧好讀書爲文以古勝五赴棘闈三膺鶚薦嘉慶癸酉科主司已擬魁選以詩有微疵置之授徒崇實學及門食餼遊庠者十餘人著有五經解楊承緘諸生春錦之孫五世以書名家承緘崇實學不尙詞華家居授徒歲不下數十人與濱汀曾家模往來最密相與討論程朱義理搜羅舊聞模所著書承緘參考之力居多治

經史暇間以吟咏抒懷終其身

張巍隆字桂林號蓼溪嘉慶諸生幼失怙遵守母訓鷄窗風雨益自刻苦晚年學問深邃品行端方里黨咸欽敬之著有慎知堂文集一卷詩集一卷

張鳴珂號榮坊少能文有聲膠序道光中明經性耿直精帖括鄉試十四薦卒不遇古文寢饋前賢詩律亦精慎爲人師循循善誘門下士試輒冠曹同治辛未科進士雷俊章其門人也著有自鋤園詩草

張龍珠貢生倜儻不羣好作詩有韋孟風味每至一處輒吟哦不輟尤善辭令與人言議論風生聞者無不解頤著有九潭詩鈔

武岡州志

卷之四十六

人物志七

十六

鄧添禎聰穎嗜學潛心經籍尤工詩以唐賢爲宗補弟子員後屢躡棘闈以詩酒自娛今郡志所載詠雙清亭七律亦片羽吉光耳鍾登苑字杏林品學兼茂授徒訓課綦嚴遊其門者多所造就八十一歲卒

程學典字春園其淵季子與兄學道學進友愛綦篤其淵嘗訓之曰家事有父兄在汝其專志問學典故諾顧天資不敏與堂叔熙堂同塾而記誦弗如熙堂又早入泮典銳身勤思肄業石神廟演劇旬餘未嘗出戶暫窺師王某歎曰吾未見攻苦若程生者豈池中物耶小試五列前茅庚辰郡試有幕賓某遣人謂之曰爾文已入選能出錢二百貫卽置第一典叱之曰我豈貧緣者耶榜揭名在第三是年院試復被黜有

謂典失時者典曰文惠不精耳得失偶然非所當恤也年三十始補弟子員學益力經史子集無不提要鉤元手錄成帙未幾丁外艱服闋舉道光戊子科鄉試人往賀之典戚然曰樹欲靜而風不寧子欲養而親不待子弔可矣又何賀焉屢試春官不第道光甲辰以大挑入等銓注華容學博進多士而薰祓之生童就學者以百計教先孝弟而後藝文尤以守臥碑戒干謁遠詞訟爲至誠戊申華容水災已酉又災典出已貲賑諸生人二緡凡賑諸生百餘名有張釗者寒畯也中夜憶其名遽呼門斗往召斗請俟明日典怒曰食饑可須臾緩乎斗承命促至果不食一日矣壬子典年六十諸生舉酒爲壽釗以詩有句云猶聞寒夜召我語活命恩深銘肺腑蓋

指此也是年冬粵逆據岳州距華容四十里兵民出走幾盡典與張令倪尉守不去門人數輩騰舟待典且以曾子武城事爲言典正色曰吾食朝祿可藉口逃乎賊尋退縣人爲之語曰三人成眾眾志成城咸豐甲寅引疾歸徙居冷塘盜風方熾典修團練法和鄰里解爭訟一鄉賴之咸豐戊午卒年六十六典事二兄如父析產相讓分而復合者三族戚之貧者雖當空乏必周之族叔某與典有隙歲終覲顏求貸值典方匱竭卽舉兒女禦寒具畀之所著有春園文詩稿若干卷小試法門二卷墨藝法門四卷典類四十卷文選撮要四卷夏陳常字立民號雙池道光甲午科舉人七上春官屢薦不售刻勵攻苦爲時文日十餘藝皆精警絕倫無一苟簡經藝

根柢經訓尤尚之至數百首豐滿圓潤典贍華貴主講鼇山
指示懇切遊其門者受益頗多性至孝家貧投徒太初庵距
家十餘里以父病晚歸省晨至館恆數越月不倦道光甲寅
以部選官桂陽縣教諭既以繼母曹氏衰病乞養歸里踰年
母卒喪葬盡禮服闋檄赴任不應家居投徒泊如也著有百
行原閒談錄卒年七十四子守琮庠生援例湖北補用經歷
會紹邴號春田聰穎好學文詩敏捷有聖童稱事繼母以孝
聞十三歲補弟子員時安化黃崇光官教授門下多豪俊獨
奇邴歲科試屢列優等道光丁酉舉於鄉四上春官三薦不
售袁澍許繼玉族人源泗皆一時博雅士數相唱和推邴主
壇坵袁敏倡修觀瀾書院邴贊助之力居多家乘悉手訂丙

武岡州志

卷之四十六 人物志七

七

午北上至直隸固安病卒江忠烈公忠源其同年生也爲護
其喪歸里生平著作甚富惜散佚未梓

夏必勉字敏齋州廩生性端謹勵品嗜學鄉闈屢薦家素貧
非束脩不以入授徒二十餘年多所成就從遊者日眾課讀
之暇留心岐黃書鄰里病危者造門授方多所全活卒年五
十易簣時賦七律四章以勉生徒子建寅恩貢生必勉從子
世孝品學亦優鄉試屢薦道光戊子科巡撫康紹鏞檢閱遺
卷嘉賞不已儆州牧促赴嶽麓肄業嘗館於州署謝絕請託
世孝字順堂歲貢生

譚憲字經國州之毓蘭山人譚朝以第五子也朝喜施與見
善行憲幼慧早遊庠序道光間以詞賦見重於學使者宜黃

謝階樹有擬鮑明遠舞鶴賦梓入湘中試牘中十歲通四子書知聖學基於灑掃應對卽篤志幼儀侍母疾衣不解帶者三月餘性清簡不計家人生產事讀書少暇或灌園耘圃或焚香默坐庭中設奇石花草以自娛酒酣獨哦其間有屢空晏如之風里中子弟來學者必教以先實行後文藝嘗語其徒曰吾畢生讀古人書所得止兩言曰不起閤心不行閤事也詩學淵明雅近儲孟蕭然閒遠如孤花瘦鶴幽潔動人晚歲耽心禪悅不復吟咏咸豐初卒子玉霄梓其詩文稿曰嘯林集行世

蕭友蘭號春圃州諸生食餼後遊嶽麓師歐陽坦齋有聲庠序長沙彭某器異之妻以女其子太史某尙穉命蘭爲之師

武岡州志

卷之四十六 人物志七

九

所學多其指授尤工書酒酣縱筆神妙無儔詞章敏贍制藝亦工梓入嶽麓書院課藝蘭歿後家益窘彭氏茹苦如飴太史已貴顯屢招其姑不赴亦奇女也

姚大韶諸生性質直不慕榮利安貧好學喜讀漢唐以來古文於時藝不究心也爲文清超拔俗出筆動與古合嘗師事汪元相余廷燦兩人皆有名於時者也皆重大韶晚年授徒絕不與人談科舉學日手所作古文一編游其門者多不知其作何語也

袁澍字霖亭廩生性穎慧博聞強記嗜書如饑渴每鄉試必購書數千卷歸卽寢饋其中徧覽窮探亦喜吟咏惜年未三十而卒子鳳翔州諸生

鍾世祺字春甫幼聰穎生有宿慧年十二能作擘窠大字出語驚人未冠補弟子員以詩酒自娛不習舉子業亦不事家人生產三十失偶有巨家願以女妻之力卻不允終其身爲鱷夫生平無二色足跡徧天下所至以書畫名家倒屣爭迎至今有得其寸紙殘箋者珍爲吉光片羽云子二長守金能世其業次日新廩生以縣令需次閩省自有傳

蕭光字斗南府諸生家貧嗜讀書深於經學屢膺鄉薦存稿數千篇一時遊庠序者多出其門子文炳入邑庠有父風

蕭鼇字冠山太學生聰敏好學過目不忘藏書滿樓日以考訂爲事建世耕堂延師皆四方知名士輯有鼇宮梯文集四卷典故訂譌八卷其稿散佚士林惜之

武岡州志

卷之四十六 人物志七

二十

譚子湘字漢池性坦率與人交初終如一有過面規未嘗介諸懷少工文善書神似松雪應童子試屢拔前茅尋絕意科名隱於耕釣自號西巖居士

蕭湘號蘭洲州廩生性穎敏目數行下刺史陳佐器之州府院試皆第一佐以小三元額贈焉明年冠優等食餼博覽經史嘗以未窺金匱石室之藏爲憾性恬曠蕭然寡營時從田叟話桑麻能飲酒至數斗不亂暇則垂竿川上夷猶竟日鄰里互爭得湘一言而解者甚眾晚歲餼滿當貢胥吏索金幣湘不赴考鄉人或勸湘第入試願代輸金湘作色曰吾安用此而糜若金乎書狀白學使手顫不能與考願降廩其廉介多類此

劉士拔嘉道間人觀察文徽之猶子少卓犖英岸足跡半天
下天資冲澹學識過人視塵中奔名牽利事蕭如也文思敏
異下筆絕去恒蹊晚歸都梁關待兔園於宅之東徧徧植嘉
花美木手一卷冰雪文獨哦其間葵扇葛巾疎情誕節見者
驚爲商綺間人文詩甚富稿多散佚觀察徙居湘潭其子姓
今已式微亦無有能稱道之者士拔所著僅餘待兔園記疎
古礪砢如其爲人今收入藝文志外篇

會源泗號岱雲州廩生性穎慧讀書目數行下詩文斐然可
觀應童試州牧許紹宗取以冠軍道光乙巳太守黃宅中續
寶慶志命充武岡西路採訪高沙觀瀾書院落成紀碑及善
後規約多出其手

武岡州志

卷之四十六 人物志七

三

楊承忠州庠生端品行敦孝友始館家塾課徒綦嚴門下士
舉茂才明經者十餘人嗣膺官聘不受人請託因親疾慮爲
庸醫誤習岐黃久而精其術彙集醫宗金鑑仲景傷寒著爲
書

劉國珍字寶田道光間人州諸生性坦易胸無荆棘能豪飲
喜結驩才俊酣嬉淋漓每作勝譚傾倒一座善屬文尤喜吟
詩有中唐人逸趣從軍江西軍敗抗節不屈咸豐間 贈卹

如例

曾順義字和之父心德義生有異稟師事唐明經守中守煦
年十三見賞於學使許邦光入州庠屢試高等守中以女妻
焉期以遠到幼孱多病以攻苦益劇父慰之曰吾家門祚衰

薄兒幸補弟子員有田可耕有書可讀養親教子於願亦足何事人世富若貴耶義遵父戒遂不復試於有司子與潤甫週歲妻暴卒義神傷甚強顏慰父母時義年纔踰冠大姓爭以女請繼室婉謝之父爲聘易氏女定盟後義方知泣陳於父謂兒病軀有子矣娶婦恐不諧貽堂上戚乃以厚幣還女庚帖終身鰥子興潤童時友人某以女許字友家巨富其父母以義家貧薄頗相譙讓義聞之卽與絕盟謂有子不患無婦彼非吾耦也晚年家居奉母先意承志母性卞急義曲順之授童子二三人以供泚掃於書無所不窺尤精釋典藥椀爐香一室禪悅晝之所爲夜書於籍纖細不遺生平無疾言遽色與人交必誠信祖墓在邵陽間歲展掃悽戀徬徨老而

武岡州志

卷之四十六

人物志七

三

彌篤卒年五十四母尙無恙彌留之際呼阿嫻不置云

夏楚原字蘭皋同治甲子補行辛酉正科舉人性警敏有幹略不汲汲名利與人交坦易無城府言行皎然不欺其志尤篤於內行父成光伯仲二人伯有子三楚原最幼成光子之光晚舉二子未幾卒兩弟幼稚後母馬氏性嚴急楚原曲順之撫弟恩義兼至一門輯睦無間言文筆英異兩上春官不第辛未禮闈主司以得卷最遲甚加惋惜南旋達邵州病卒人咸痛之

張經資州諸生廣東令經贊之同懷弟少嗜學耿介好奇服疏宕不羣太守魁聯郡試首拔之其幕賓王麗生丁果臣皆奇士也以經資爲賢數數稱道爲之品藻麗生嘗語經資曰

君有異稟宜多讀未見書經資對曰正恐六經以外無奇書
可讀耳其志趣高遠譚言雋異人每不能方之獨雷漁村孝
優與爲雲霞之友經資著易義圖說晝夜精思至忘寢饋漁
邨語之曰卿欲效君家子厚西銘耶咸豐初省其父兄粵東
久之獨還道經潯梧爲土寇劫執自間道脫身歸里未幾病
卒年僅三十知者悼惜之

黃時敏字荔園州諸生博聞強識經史子集靡不研究家赤
貧以授徒爲業終日閉戶坐一卷呻吟未嘗少輟酬應悉屏
絕之人罕見其面所爲文醅古淡泊如其人新化王者瑞王
鼇山講席時遊仙院讀其詩調可嗣響韋柳因造廬請謁且
折柬招之時敏謝不往其行徑孤介多類此著有周易心解

武岡州志

卷之四十六

人物志七

三

荔園詩集荔園文集諸書

張和州廩生性穎悟植品端方讀書嶽麓糾同志友鑄朱子
忠孝廉節四大字立石講堂互相警惕又獨建字爐於州城
西正街爲文力追先正試輒冠其曹道光乙酉科薦而不售
英年殂謝士林惜之